

Smjernice za upravljanje otpadom u domaćinstvima u kojima postoje sumnjivi ili potvrđeni slučajevi zaraze korona virusom (COVID-19) čije zdravstveno stanje ne zahtijeva bolničko liječenje

Ukoliko u domaćinstvima postoje sumnjivi ili potvrđeni slučajevi zaraze korona virusom (COVID-19) čije zdravstveno stanje ne zahtijeva bolničko liječenje (blaga klinička slika), sav otpad koji potiče od ovih osoba (maramice, maske, rukavice, igle, lancete dr.) mora se odvojiti od ostatka otpada. To uključuje i otpad koji se inače može reciklirati, poput plastičnih čaša od jogurta i sl.

Maramice, maske i rukavice za jednokratnu upotrebu trebaju se spakovati u dvije vrećice dobro zavezane ili zatvorene ljepljivom trakom. Ukoliko se koriste oštri predmeti (npr. igle, lancete i sl.), treba ih spakovati u posebne neprobojne zatvorene posude/kutije.

Kako bi se osiguralo da ostali korisnici kontejnera za komunalni otpad, kao i radnici koji prikupljaju taj otpad, ne budu izloženi riziku, sav otpad koji potiče od osoba u izolaciji mora se prije konačnog odlaganja spakovati u dobro zatvorene duple deblje kese. Ovako upakovan otpad treba ostaviti na sigurnom mjestu 72 sata prije nego što se odloži u zajednički kontejner.

Komunalnim radnicima se preporučuje da:

- Poštuju pravila koja je postavilo Federalno ministarstvo zdravstva;
- Upotrebljavaju zaštitnu opremu (lična zaštitna oprema, poput maski, rukavica, itd.);
- Često peru i dezinfikuju radne kombinezone i gumene rukavice;
- Zamjene jednokratne zaštitne rukavice nakon svake upotrebe;
- Često dezinfikuju vozila.